

Интервью начальника архивного отдела газете «Вақыт» (Эпоха)

О переменах, произошедших в архивной отрасли, о ее проблемах и перспективах с начальником архивного отдела Администрации муниципального образования «Игринский район» Е.В. Корепановой беседовал корреспондент приложения «Вақыт» к газете «Светлый путь» Л.Г. Кузнецова

Милям редакцимы азьвил типографилэн юртаз артэ интыяськемын ёрос архивен. Соин ик син шоры йӧтэ отчы трос калыклэн ветлэмез. Дортйзы ортчыку кылйсько, архивын ужасьёс ваньмыныз лад-лад верасько, лулысь-сюлмысь валэкто юанъёссылы. Котькудйз татчы вуэ ас мугеныз. Тодмоос кожало драмы но. Кин ке выжызэ утчасько шуэ, мукетыз пенсие потыны дасяське но справка, пе, кулэ вал, куинетйез вордскем интыеныз тунсыкъяське...

Туэ Россиысь архив службалы 95 ар тырмиз, нош Удмурт Элькунын кылдэмез дырысен 2 октябре 90 ар луоз. Та юбилейёслы сйзьыса, муниципал кылдытэтъёс бордын ужась архив ёзэтъёс пӧлын всероссийской конкурс ялэмын вал. Отчы пыриськиз Игрысь архив но. Нижний Новгородын ортчем кыкетй тураз Приволжск федерал округысь муниципал кылдытэтъёслэн архивъёссы пӧлын Игрысь архив самой устоеныз лыдъямын но дипломен пусъемын, нош документъёссы куинетй туре Москвае келямын.

Та пумысь но мукет юанъёсын мон вазиськи Игрысь архив ёзэтлэн кивалтйсьезлы Е.В. Корепановалы.

- Елена Всеволодовна, кызьы вордйськиз архив уж Россиын, шаерамы, ёросамы?

- Нырысьсэ «архив» но «архивариус» кылъёс зуч законодательствоын кутэмын вал 1720 арын Пётр 1 кивалтыку. Нош 1728 арын 12 сентябре Пётр 2 поттэ «Наказ губернаторам и воеводам» указ, кытын косэ вань документъёсты, кудъёсыз уже уг ни кутйсько, бырйыса кышкыттэм интыын утыса возыны. Котькудйзлы номер сётоно, соосты кулэ дыръяз лякытэн утчаны мед луоз, одйг документ но медаз ышы шуыса.

Российской Федерациысь архивной служба нырысь вамышъёссэ лэсьтйз В.И. Ленин «О реорганизации и централизации архивного дела» Декрет улэ 1918 арын 1 июне гожтйськем бере. Та нуналысен архивъёс вань калыклэн ваньбуреныз лыдъяськыны кутскизы. Удмурт Элькунын огъя архивной государственной фонд кылдытон сярысь решение кутэмын вал 1923 арын 2 октябре.

Ёросысьтымы архивлэн «арлыдыз» сярысь шонер лыдпус вераны уг луы. Нырысьсэ гожъямъёс пумиськыло Игра райсоветлэн исполкомезлэн документъёсаз 1940 арын.

- Кыче ужез быдэсья архивын ужась?

- Архивъёс кылдытйсько документъёсты утыны, калыклы, учреждениослы но организациослы архивысь информация кулэ луыку сётыны. Ёросысьтымы учреждениослэсь но предприятиослэсь документъёссэс люкаськом бере, соослы документъёссэс жикыт но кулэезъя дасяны юрттйськом. Озыы ик архив документъёсья выставкаос дасяськом, экскурсиос нуиськом, школаын дышетскись пинальёслы патриотической темаосъя урокъёс орчытыяськом, котырес

лыдпусъёслы сйзъыса статьяос, радиопередачаос но дасялляськом. Али пёртэм удысын ужъёсты автоматизировать каро, архив но талэсь бере уг кылы. Берло дыре трос уж нуоно луэ архивысь документъёсты электронной форматэ берыктон понна. Основной ужез ми ныль кузя быдэсьяськомы, одйгез ужасьмы документъёсын хранилищеосты, ужан кабинетъёсты чылкыт возён бордын тырше. Туннэ трос ужан дырмы быре справкаос лэсьтыны. Пенсионной законодательство вошъяськемен, предприятиос но организациос пытсаськемен, личной составъя дорамы трос документъёс вуэмен, архиве вазиськись адямиослэн лыдзы арысь аре йылэ.

- Трос-а люкаськемын ни документъёс, кычеесь соос?

- Татчы 1997 арын ужаны лыктыкум архивамы 16,5 сюрс документъёс лыдъяськызы. Аръёс ортчемъя соослэн лыдзы трослы йылйз. Угось арлы быдэ сюрслэсь ятыр документъёс вуо ёросысьтымы учреждениосысь но организациосысь (соос одно сётыны кулэ управленческой документъёссэс). Предприятиос пытсаськемен унолы йылйз личной составъя документъёслэн лыдзы, ужась предприятиын закон куремъя соос 75 ар утисько. Менил, Зура, Игра леспромхозъёс, «Иградрев», Играысь ЗДС, колхозъёс пытсаськемен соослэн личной составъя вань документъёссы архиве сётэмын. Туннэ соослэн лыдзы 16 сюрслэсь ятыр. Нош ваньмыз архивамы 55 сюрс пала документъёс утисько. Та пöлын нимаз адямиослэн документъёссы но вань: Советской Союзлэн Героезлэн Спиридон Михайлович Стрелковлэн, куинь Слава орденъёслэн кавалерзылэн Алексей Назарович Пермьяковлэн, Лонки-Ворцы гуртысь механизаторлэн-писательлэн Константин Васильевич Емельяновлэн, Игра ёрослэн дано муртъёсызлэн – ваньмыз тямыс фонд. Утиськомы фотодокументъёсты но.

Улонын пёртэм воштйськонъёс ортчо, троссэ ужъёсты табере компьютер воштэ, документъёсты но, бумага вылын сяна, электронной форматэн быдэстыны луэ. Озыы архиве диск вылэ гожтэм документъёс но кутйсько. Соослэн лыдзы туж ичи на, али фотодокументъёс гинэ утисько. Но малпасько, азыланяз управленческой документъёс но дискъёс вылын дорамы вуозы, малы ке шуоно, бумага документъёсты утыны бадзымесь площадьёс кулэ, нош одйг пичи диск трос томъем документъёсты воштыны быгатэ.

- 1991 арын выльдйськонъёсын валче архив ужын но выль вакыт вуиз шуыса лыдъяське. Кызъы со шöдйське ужады?

- Архив удысын шöдскымон воштйськонъёс кутскизы августовской путч бере. Обществомы демократической луыса, пёртэм информация басьтыны сюрес усътйськиз. Архивысь документъёсты но калыклы шараяны кутскизы. Коньдон ласянь но ужез радъянын шуг-секытьёс вал ке но, архив ужын воштйськонъёс, 20-тй даурлэн историеныз тунсыкъяськон архивъёслэсь кулэлыксэс но данзэс юн жутйзы.

- Али тросэз тунсыкъясько улоссылэн историеныз, выжыюсынызы. Ёрос архив быгатэ-а куронъёссэс быдэстыны?

- Берло аръёсы государствомылэн, отысь калыкъёслэн историенызы герзаськем трос публикациос пото. Уг лябомы нимаз адямиослэн асьме шаермылэн, улоссылэн, выжыюссылэн ортчем сюресэнызы тунсыкъяськонзы но. Отысь-татысь кылыса-лыдзыса тодэмъёссэс юнмато но муромыто архив документъёсын. Татын милям уго соос змос югдурез возмато, научно достоверноесь луо. Соин но оло дорамы вазиськисьёслэн лыдзы йылэ.

Архивамы утисько 1925 арысен кутскыса 2012 арозь документъёс. 1990 арозь Играысь архив «переменной» шуыса лыдъяськылйз, документъёсты татын 10 ар возыса Ижысь архиве келяллязы. Оло соин но 1940-тй аръёсысь документъёс туж шер пумисько. Бумага бордын ужан но зечлыко, жикыт вылымтэ, шөдске.

Дорамы вазиськисьёслы документъёсын ужаны милям умоесь условиос кылдытэмын: вань нимысьтыз лыдзиськон залмы, отчы компьютер но пуктэмын. Нош документъёсын юрттыны ум ке быгатйське, одно ик валэктйськомы, кытчы вазиськыны кулэ, озьы ик справочникъёсын ужаны юрттйськомы.

- Котькудйз сямен пенсие потйсь мурт архиве лыктэ. Дорады гинэ вазиськыса быгатэ-а со мукет интыосын уjamъёссэ шедьтыны?

- Пенсионной законодательствоын пöртэм воштйськонъёс ортчыло бере, пенсие потйсь муртъёс уждунзя, стажыя дорамы чем вазиськыло, кызы ке ёросысьтымы, озьы ик шаермылэн пöртэм интыосысьтыз. Арскын сыче справкаос кык сюрс пала лэсьтйськомы. Али ужамы выль амальёс кутэмын. Калыкез отчы-татчы медаз ысьяно луы шуыса, Удмурт шаерысьтымы вань архивъёс Интернет пыр одйг сете огазеямын. Табере милям архивамы лыктыса, мукет интыосысь но справка басьтыны луэ. Кылем арысен огъя сеть пыр ужаськомы ни Пенсионной фондлэн республикаысьтымы управлениосыныз но. Соос куронъёссэс почта пыр уг лэзьяло ни, ваньмыз выжтэмын электронной формае. Табере пенсие потйсь мурт Пенсионной фондэ вазиськемез бере архиве ветлытэк но быгатэ. Кулэ справкаосты фонд со интые Интернет пыр архивысь басьтэ. Озьы ик котькуд аядми архиве вазиськыны быгатэ огъя сеть пыр. Со понна пыроно Госпорталлэн

www.gosuslugi.ru

сайтаз, усьтоно «Личный кабинет» укноез, отысь архивной службаез шедьтыса, курондэс милем лэзёно.

- Архив дунын-а, дунтэк-а юрттэт сётэ?

- Архив «Игра ёрос» муниципал кылдытэтлэн администрациезлэн ёзэтэз луэ . Соин ик вань услугаос дунтэк быдэсьясько.

- Архив – стратегической объект. Соин валче кыче луыны кулэ архивын ужась?

- Одно ик со жикытлыко, юн саклыко луыны кулэ. Нырысь интые пуктысал чиданлыкез но. Архивын ужасьлы уго кулэ документэз шедьтон понна туж трос утчаськоно луэ. Но самой главноез – архив документъёсты даянын куронъёсты тодйсь-валась но соосты шонер быдэсьясь. Ужас ялан тодон-валанзэ будэтыны, выль амальёсты кутыны тыршись луыны кулэ.

- Елена Всеволодовна, калыклэсь трос кылйськод, архивын утчаськыны кутскыса яке документъёссы уг шедё, яке шонертэм гожтэмын шуыса. Ёросысьтымы предприятиос, организациос, учреждениос дышизы ни-а документъёсты шонер даяны но дыраз архиве сётыны?

- Азьло правительство архив удыслы сокем саклык өз висъялля, шөдске. Али югдур умойлань воштйське. Документъёсты архиве даянъя кивалтйсьёс азе чурйтэсь куронъёс пуктйсько. Югдур умойгес сыче учреждениосын но организациосын, кудъёсыныз кемалась кусыпъёс тупатэмын. 76 учреждениос но организациос уjamзы сярысь документъёсынызы узырмыто ёросысьтымы архивез. Жаляса верано, али но ваньмыз кивалтйсьёс уг валало на документъёслэсь кулэлыксэс, тужгес ик пичи организациос, ужбергатйсьёс. Ми, архивын ужасьёс,

малпаськом, соослэн документъёсын выремзы уг поты, угось архиве сётон понна организацилэн аслаз документъёсты жикыттоно, огазеяно, вуруно. Ужез ичи өвёл. Пичи организациос пытсаськыку соослэн кивалтйсьёссы уг дырто личной составъя документъёссэс архиве сётыны. Сёто ке но, соос кулэезъя дасямтэ луо. Соосъя адямины справка сётыны туж шуг яке воксё уг луы. Тани шуом, уждун лыдъянъя документъёсын куд-ог дыръя фамилиоссы гинэ быдэсак гожтэмын, нош нимтулзы – нырысь букваосыз гинэ. Милям адями куремъя справка сётэммы уг луы, гожтйськомы озыы, кызыы документын пусъемын.

Таёе учырйёс но пумиськыло: пичи организациосы ужась куто но сое оформить уг каро. Адямилэн пенсие потон дырыз вуэ но со архиве справкалы лыктэ. Организация пытсаськемын, документъёссы архивын, нош вазиськем муртлэсь ужам дырзэ ум шедьтйське. Валамон ни, та адями оформить карытэк ужатэмын. Озыы адями ужам аръёссэ ыштэ. Кивалтйсьёс сяна, уждунзэ лыдъясь бухгалтеръёс но кадръёсын ужасьёс куддыръя асьсэлэсь ужзэс сак уг быдэсьяло, собере милемды янгыше уськыто. Алигес чапак сыёе учырен пумиським. Дорамы ужам аръёссэ курыса вазиськиз кукке но бухгалтерын, колхозын кадръёсья документъёсын ужам мурт. Вань ужам аръёсыз солэн өз шеде, малы ке шуоно, документъёссы урод оформить каремын. Ну бен архивысь ужасьёсты тышкаськиз ни, но виноватэз аслаз, дыраз но кулэезъя ужзэ быдэсьясал ке, сыёе юмоке но ой шедьысал, вылды.

- Туж бадзым тау, Елена Всеволодовна, рос-прос валэктонъёс сётэмды понна. Вормон мед басьтоды Москваын но.

- Вераськонмес йылпумъяса тау кареме потэ ёросысьтымы кивалтйсьёсмылы. Соос архивлы тырмыт саклык ой ке висъясалзы, ужамы азинсконъёс но вормонъёс ой луысалзы. Нош архив ужен вань герзаськем адямиосты зечкыласько вуись юбилеен.

Юалляськиз Людмила Кузнецова

Фотоосыз Александр Русскихлэн но архивлэн